



TOP FM 95.1
Atencion sr. E. Croes
Santa Cruz 110, Aruba
Fax: 585-9500

Oranjestad, 15 september 2009
CBB 53-09/LdS/lm

Asunto: yamado agitativo y violatorio di orden publico

Apreciable sr. Croes,

Manera conoci, Comision Bon Boluntad (CBB) ta haci su esfuerzo pa contribui na un campaña electoral ehemplar, den cual ta respeta ley y reglanan di etica. Den luz di esaki CBB ta desea di solicita bo atencion pa e yamadonan haci via bo radio emisora TOP FM 95.1 haci durante e ultimo fin di siman di 12/13 di september pa participacion na un evento riba caminda publico pa cual e organisador tabata sa cu no tabata existi e permiso corespondiente di e autoridadnan hudicial.

CBB a pone nos Ministro Presidente, como responsable maximo di orden y seguridad publico, y ademas responsable pa telecomunicacion, na altura di su opinion cu e expresionnan haci na e radio emisora menciona lo mester ta suheto na investigacion di banda di autoridadnan hudicial pa establece si e limitenan di lo permisible en cuanto orden y seguridad publico a ser viola.

Ademas na parecer di CBB, esaki ta sobrepasa norma existente di bon periodismo. Ta existi reglanan di etica acepta pa medio di comunicacion den henter mundo y CBB ta haci un apelacion riba cualkier medio pa mantene nan mes na e normanan aki.

CBB ta spera cu dirigencia di TOP FM 95.1 lo tene debido cuenta cu loke a expone aki y lo sa di abstene di acto cu no ta contribui na un ambiente positivo y di respet, especialmente den e actual campaña electoral, unda mantenimiento di tranquilidad y orden ta un prioridad grandi pa henter nos pueblo, independientemente di nan color politico.

Agradeciendo di antemano pa bo atencion,

Atentamente,
Na nomber di Comision Bon Boluntad

Lydia Emerencia, Presidente